



Synfocity = 920

mail us at : mzsinfo@gmail.com; mizoramsynod@gmail.com - Phone - 2314648

January 18, 2024

☐ **Women Centre Batch 10-na hawn a ni**

January 15, 2024 (Thawhtanni) chhun dar 12:30 khan Women Centre, Phunchawnga zir tur Batch 10-na hawn a ni.

Programme hi Pi Zothanpari, Inkhawmpui Lian Chairman-in a kaihruai a. Pi H. Lalfakmawii, General Secretary-in inhmelhriattirna hun a hmang a, Pi R. Lalrinpuii, Women Centre Superintendent-in Hostel Rules chungchang inhrilh hriatna hun a hmang a, Pi Zothansiami, Treasurer-in zir turte lawmna leh fuihna hun a hmang a ni. He hun hi Women Centre Managing Committee, Hunthar Bial Kohhran Hmeichhe Committee leh Phunchawng Kohhran Committee, Kohhran Hmeichhia, KṚP leh Kohhran Pavalai Pawl-ten an hmanpui a ni. Women Centre-a zir tur 10th Batch-te hi puan thui zir tur an ni a, zirlai 42 an awm a, heng mite hi thawktu paruk-in an vil dawn a ni.

Women Centre hi Mizoram Presbyterian Kohhran project pawimawh tak a ni a. Hmeichhe dinhmun harsa leh khawsakna lama tanpui ngaite chawi kanna atana din a ni. Kum 2016 atang khan puanthui zirna tan a ni a, mi eng emaw zatin an zir chhuak tawh. Kum 2017 atangin puantah zirna tih belh niin, mi eng emaw zatin an zir chhuak tawh bawk a ni.

Women Centre-a zir chhuakte hi mahni ke-a dingin chhungkaw ei bel ber an ni ve mek a, midang zirtir chhawnga dawr siamte pawh an awm bawk. Chutih lain mi hnuai puantui leh puantaha thawk mek thahnem tak an awm bawk a ni.

☐ **Synod Mission Board**

◆ **Delhi Mission Field**

January 14, 2024 (Pathianni) khan belhtu thar pakhat a awm.

◆ **Karbi Anglong Mission Field**

January 14, 2024 (Pathianni) khan belhtu thar panga an awm.

◆ **Odisha Mission Field**

January 14, 2024 (Pathianni) khan belhtu thar pakhat a awm.

◆ **Kum 2023 chhunga Mission Field hrang hranga belhtu thar neih dan hetiang hi a ni:**

S.No	Field	Total
1.	Arunachal & Assam Mission (East)	92
2.	Arunachal & Assam Mission (North)	84
3.	Arunachal & Assam Mission (West)	112
4.	Assam	72
5.	Barak Area	127
6.	Delhi	174
7.	Home Mission North	60
8.	Home Mission South	65
9.	Jharkhand	600
10.	Karbi Anglong	181
11.	Kolkata	1143
12.	Lucknow	60
13.	Nepal	195
14.	Odisha	106
15.	Patna	237
16.	Siliguri	129
17.	Tripura	1004
18.	Masihi Sangati	5646
19.	Cambodia	13
	Belh khawm	10100

❑ **PCI Executive Committee**

January 17&18, 2024 chhung hian Silchar-ah Presbyterian Church of India (PCI) Executive Committee neih a ni a, Mizoram Synod aṅging PCI Secretary, Rev. Dr. K. Lallawmzuala leh committee member-te, Rev. C. Zoramawia, Rev. H. Remthanga, Rev. C. Rosiama, Upa Dr. Vanlalzara, Rev. Lalramliana Pachuau, Rev. Lalzuithanga, Rev. Dr. P.R. Hmuaka, Rev. B. Sangthanga leh Rev. B. Lalnunzira te an kal.

❑ **Chhim Bial Committee**

January 18, 2024 (Ningani) hian Lungleiah Chhim Bial Committee neih a ni a, he hunah hian Rev. R. Vanlalngbaka, Synod Moderator, Rev. P.B. Mankima, Synod Secretary, Rev. R. Lalhmingsanga, Mission Board Secretary leh committee member-te, Rev. Dr. C. Lalhlira, Rev. F. Lalrinnunga leh Upa F. Lalsangliana te an kal.

❑ **KṚP General Conference Pandal en**

January 17, 2024 (Nilaini) khan Ngopaah KṚP General Conference neihna tur Pandal sak mek enin Trust department aṅging Pu Lalramenga Royte, J.E leh Synfo aṅging Pu David Lalruattluanga leh Pu H. Lalṅpuia te an kal. Central KṚP atangin Upa F. Zoherliana, Treasurer leh committee member-te, Pu Jonathan Lalhruiatluanga, Pu F. Lalremruata, Tv. Lalbiakmawia, Pu K. Lalfakzuala, Pu Rossi Lallawmawma, Upa T.C. Lalremsiama, Pu C. Lalkhawngaiha te an kal baw. KṚP General Conference hi February 29 - March 3, 2024 chhunga neih tur a ni.

❑ **Campus Ministry**

- ♦ January 12, 2024 (Zirtawpni) khan Presbyterian English School, Republic Vengah hun hmangin Rev. H.L. Thianghlina, Director; Tv. Lalrinchhana, Counsellor leh Resource person, Upa Lalnunsiamia Khalthang te an kal a. Zirlaite hi Group hnihah thenin, a hranga hun hmanpui an ni. PES, Republic Vengah hian zirlai 686 awmin, zirtirtu leh thawktu dangte nen an vaiin mi 700 chuang an awm a ni.
- ♦ January 15, 2024 (Thawhṅanni) khan Govt. High School, Lengpuiah hun hmangin Rev. H.L. Thianghlina, Director; Tv. Lalrinchhana, Counsellor leh Resource person, Upa Lalnunsiamia Khalthang te an kal baw.

❑ **Kohhran Hmeichhia**

Kohhran Hmeichhe rawngbawlna pawimawh tak Buhfaitham chungchang chu America-a pawl pakhat Generosity Path chuan hriat belh leh hriat chian lehzual duhin zirchianna hun an rawn nei a, hemi chungchangah hian January 16, 2024 (Thawhlejni) tlai khan Central Kohhran Hmeichhe Hruaitute nen inkawm hona hun neiin an mamawh te an sawi ho a, documentary an siam nghal a ni.

Buhfaitham chungchang bakah hian Kohhran Hmeichhe rawngbawlna dang Women Centre te pawh an tlawh baw. Generosity Path te hian Rev. V.L. Luaia Hranleh, Executive Secretary i/c Kohhran Hmeichhia chu a Office-ah hmuin inkawm hona hun an nei baw. Generosity Path aṅg hian member pathum an rawn kal a ni.

❑ **MSSU**

January 20, 2024 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

- | | | |
|-------------------------|---|--|
| Leitan East Kohhran | - | Upa Hrilthansanga
Upa Lalsiammawia Pachuau
Upa Danny Lalremmawia |
| Lily Veng North Kohhran | - | Upa K. Vanlalngbaka
Upa Lalliantluanga |
| Thingdawl Bial | - | Upa Lalthanchhunga
Upa B. Hmingthanruala
Upa Lalbiakliana |
| Tlungvel Vengthar Bial | - | Upa K. Zoremsanga
Upa Zohmangaiha
Upa H. Lalremruata |

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Chuhvel leh Kananthar	In kang	3	₹ 60,000/-
2.	Maubawk	Damlo	2	₹ 20,000/-
3.	Lungsum	Damlo	1	₹ 10,000/-
4.	Airfield	Damlo	1	₹ 10,000/-
Belh khawm				₹ 1,00,000/-

❑ **FM Zoawi - Aizawl & Lunglei : Hruaina Eng Radio Programme**

January 19, 2024 (Zirtawpni) @ 7:30 p.m. :

Solo : H. Lalremruati(Maruati) - Isua a tel ve
Zaipawl : Chanmari Bial Zaipawl - A sawm reng che
Thusawi : Rev. H.L. Thianghlina (Director, Campus Ministry) - Kumthar thuchah
Solo : Fiona Pachuau - Mana lei
Zaipawl : Dawrpui Bial Zaipawl - Lawmna thuruk Isua

❑ **Su Samachar Prasaran Programme :**

January 21, 2024 (Pathianni) 5:30 pm. :

Group/Choir/Solo : Jubilee Kohhran - Yesu Ne
Group/Choir/Solo : Central PYF Choir - Krus Par
Sermon : Rev. B. Zobiaktluanga
Group/Choir/Solo : Zemabawk Bial Masihi Sangati - Jiboner Last
Group/Choir/Solo : Lalduhawma - Avaarnit

❑ **Hruaina Eng TV Programme**

18.1.2024 (Ningani) 8:30 pm : Thupui Zir bing : Kohhran chanchin - Tunlai hun
 19.1.2024 (Zirtawpni) 5:00 pm : Kristian Naupang Pual
 20.1.2024 (Inrinni) 5:30 pm : Puitling Sunday School Zirlai
 21.1.2024 (Pathianni) 8:00 am : Weekly round up
 5:30 pm : Su Samachar Prasaran
 22.1.2024 (Thawhtanni) 8:30 pm : Hruaina Eng Luang chhuak

**MIZORAM PRESBYTERIAN CHURCH
 SIKULPUI
 (Mizo Medium, MipaSikul)
 2024 -2025 ADMISSION CHUNGCHANG**

NEW ADMISSION: 'A' Pawl

Admission Form lak chhuah theih hun : January 22, 2024 atangin (10:00am-2:00pm)
 Dilna thehluh hun tawp : January 25, 2024
 Admission tih hun : January 29-31, 2024 (10:00am-1:00pm)

NEW ADMISSION : Pawl 1-Pawl 7

Form lak chhuah theih hun : February 27, 2024 atangin (10:00am-2:00pm)
 Dilna thehluh hun tawp : March 5, 2024
 Selected List tarchhuah hun : March 6, 2024 (1:00 pm)
 Admission tih hun : March 6, 2024 (1:00 -3:00 pm)
 March 7-8,2024(10:00am-1:00pm.)

Sd/- Headmaster
 Sikulpui
 Phone: 0389 2335980/9436152024

MISSIONARY TRAINING COLLEGE (MTC) HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi ` 50/- in office hun chungin MTC Office aţangin lak chhuah theih a ni e.

Dil thei chin : CI - XII pass chin
 Dilna theh luh hun hnuhnung : 16 February, 2024 (Friday)
 Entrance Test : 19 March, 2024 (Tuesday); 9:30 am @ MTC
 Interview : 21 March, 2024 (Thursday); 10:30 am @ Synod Committee Room - I

Sd/-
 Principal
 Missionary Training College
 Mission Vengthlang
 Ph. No. : 0389-2328525/9612164982

RAWNGBAWLNA HNA RUAK DIL THEIH

A hnuai tarlan rawngbawl hnate hi Mizoram Presbyterian Kohhran hnuai a ruak a. Mizoram Presbyterian Kohhran mi, kum 18-35 inkar, ni 23.2.2024-a kum 18 pum tawh, kum 35 la pumhlum lo tan dil theih a ni. Zuk leh hmuam leh ruih theih thila fihlim tan chauh dil theih a ni. Dilna Form leh Tualchung Kohhran Confidential Report Form hi Synod Office (Aizawl leh Lunglei) aţangin ni 12.1.2024 (Zirtawpni) aţangin lak theih a ni. Dilna hi Synod Service Board Office, Aizawl-ah thehluh tur a ni a, dilna form man Rs. 20/- a ni. Dilna form-ah hriat tur pawimawh tarlan a ni.

1. Mizoram Christian College-a thawk tur:

A : Hna hming : **Asst. Professor (Contract)**

(1)	Mizo	-	Post 1
(2)	Political Science	-	Post 1
(3)	Public Administration	-	Post 1
(4)	Sociology	-	Post 1

Thiamna : Heng subject-a UGC Norms 2018-in a sawi anga thiamna neite tan
 Hlawh : Synod hnuai Asst. Professor contract-te hlawh

B : Hna hming : **IV Grade (Contract) - Post 1**

Thiamna : Class VIII passed
 Hlawh : Synod hnuai IV Grade contract-te hlawh

2. Hmangaihna Ina thawk tur:

Hna hming : Peon (Contract) Post - 1
 Thiamna : Class VIII passed
 Hlawh : Synod hnuai Peon contract-te hlawh

Dil theih hun chung : Ni 12.2.2024 (Thawhtanni) tlai dar 4 thleng
 Written Test : Ni 17.2.2024 (Inrinni) Dar 10 a.m.
 Interview : Ni 23.2.2024 (Zirtawpni) Dar 10 a.m.

Sd/-
 Rev. C. Zoramwâwia
 Secretary
 Synod Service Board